



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 81. Constitutio Pontificis contra Duellantes.

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

Sæcul. XVI.
A. C. 1509.

positionis in eum pronunciavit, eamque ubique promulgari jussit, ita quidem, ut omnes Sacerdotes & Clerici per eundem anathemate percussum sedeque sua pulsus ordinati, rursus a legitimis Episcopis initiarentur. Causa tamen excommunicationis, qua sibi gravem adeo Græcorum schismaticorum indignationem accivit, haud alia erat, quam quod se sacræ Romanæ Ecclesiæ subiecisset; unde Arsenius, ut jura sua redintegraret, Romanum adiit Pontificem, ac graviter de Patriarcha questus, quatuordecim accusatorum capita in Græcos congestit, ea de re Julius Venetis, qui in Morea sedem fixerant, datis literis injunxit, ut Græcos ad satisfactionem Metropolitanam reddendam inducerent; verum Veneti adeo male excipiebantur a schismaticis, ut de ipsa quoque vita periclitarentur.

§. LXXXI.

Constitutio Pontificis contra Duellantes.

Prodiit hoc anno Julii II. Papæ Constitutio die vigesima quarta Februarii edita, qua anathemate, aliisque Ecclesiæ poenis perstringit omnes, qui singulare certamen ineunt, ac levissimis ex causis inhumana sævitia ad mutuas cædes

Bullar. in Jul. II. Const. 19.



Sæcul. XVI. sese provocant, ut alter alterius sanguine
 A.C. 1500. satiatur.

§. LXXXII.

*Pollicitatio Cæsaris Galliarum Regi
 adversus Venetos facta.*

*Petr. de
 Angl. ep. 434*

Interea continuo adhuc fervebant Prin-
 cipum dissensiones; singuli enim, cum
 metuerent, ne Ludovicus Galliarum Rex
 totam Italiam occuparet, vel palam vel
 clam eidem insidiabantur, illumque ex
 Italia propellere moliebantur, uno solo
 excepto Maximiliano Cæsare, qui, cum
 Gallorum ope pristina sua recuperasset
 dominia, Regi haud quaquam adversa-
 batur.

Præterea Julius, cum nullam odii in
 Gallos exerendi occasionem prætermi-
 teret, Venetis amicitiam, quæ Ludovi-
 cum inter & Cæsarem intercedebat, su-
 spectam reddere omni studio nitebatur,
 prætendens, ambos in eorum potissimum
 ruinam conspirare, atque ejusmodi fove-
 re consilia, quæ, si Galli prævalerent,
 Reipublicæ admodum noxia forent. Nec
 vana erat Pontificis suspicio; quippe Im-
 perator Tarvisinæ, Vicentinæ, & Pa-
 tavinæ urbis dominium Galliarum Regi
 addixerat, ea tamen lege, ut copiis in a-
 ciem eductis bellum Venetis inferret, eos-
 que ex hisce tribus urbibus propulsa-
 ret;